



ARUBA ANSE COURANT



Diario



pa Aruba



ANJA 22

DIABIERNE 2 DI JUNI 1961

Nr. 4050

Bestuurskantoor a tuma despedida di Petronia

Petronia: "Mi ta Arubiano tambe"

ORANJESTAD — Mesanan, kashi y tur otro mueblenan den e oficina di Domeinbeheer na Bestuurskantoor a worde hala un banda ayera mainta y drumnan grandi cu cerbez y otro bebidanan a bini paden. Esaki tabata e movecionnan ayera mainta na Bestuurskantoor en conexion cu e despedida di ex-diputado Ernesto Petronia for di servicio insular.

Mas di un biaha durante di e discursonan e oradornan a muestra riba e capacidadnan grandi di e Curazolenjo, kende ta considera su mes Arubiano tambe. Gezaghebber Interino L. S. de Cuba tabata e prome orador pa dirigi palabranan na Ernesto Petronia, Sr. De Cuba a oprimi cu palabranan manera: „Si un partida di un funcionario a worde accepta cu sentimentonan mescla pa tur cu conoce, anto ta bo partida. Awe bo ta bandona nos como diputado di e territorio insular aki, pa cual seis anja sigi bo a traha cu devocion. Y bo a haci esaki cu asina tanto exito y capacidad, cu casi tur hende, maske cuanto contento nan ta cu bo a worde nombra como ministro, tog no kier mira bo bai, y lo kier tenebo aki. Aki, cerca bo Aruba, e isla, cu ta orgulloso di e hecho cu bo no a nace aki, tog ta bo Aruba, no solamente cu bo ta biba pa un largo tempo aki, pero tambe pa motibo cu bo a distinguibo como un „siribidor di e interes arubano“ y pa motibo cu semper bo tabata cla para pa bula defende na un manera chemlpar e interesnan di Aruba.“

Sr. De Cuba a jama e ministro venidero un trahador duro, cu principal a destaca su mes riba terreno di Ensenjanza. Secretario di isla sr. L. C. M. Kerstens a entrega ayera mainta na nomber di henter personal di Bestuurskantoor un regalo den forma di un machin di scribi marca Remington. Aki nos ta mira e momento cu e entrega a tuma lugar.

y e hopi trabounan cu D.O.W. a haci bai di su direccion.

E Gezaghebber Interino a termina expresando su gratitud y tambe di Gezaghebber F. J. C. Beujson, kende pa motibo di enfermedad no por ta presente, y di henter e Bestuurscollege. Orador a desea su ex-colega masha hopi exito den su puesto nobo.

Motibo pa fiesta

E secretario di isla sr. L.C.M. Kerstens luego a tuma palabra y a muestra cu no obstante cu un di e stipulacionnan di ley ta prohibi pa bebe o trece bebida na hora di trabau tog por haci esaki pasobra awe si tin un motibo.

„Un di nos diputadonan ta bai laga nos. Pa prome biaha un diputado ta laga su puesto, no pa bai arobe den bida particular, sino pa sigi mas leu den su puesto.“

Orador a trece adiantu cu un di e aspectonan pa cual sr. Petronia semper a distingui su mes ta cu cerca dje e ambienan a hanja un hende cu wo wo habri pa nan interesnan, un luchador y un defensor di nan interesnan. Ta pas cu awe nos ta dune nos mihor desonan. Despues di esaki orador a entrega na sr. Petronia un regalo den forma di un machin di scribi „Remington De Luxe“ na nomber di tur e hefenan di servicio y resto di e personal di bestuurskantoor presente.

Sr. Rib, deurwaarder na Eilandsontvanger tambe a dirigi su mes un rato

na sr. Petronia y el a muestra riba e entusiasmo y amor cu cual Petronia a cuminsa su labornan como diputado. E ta aprecia e trabounan cu e diputado a haci na interes di Aruba, e isla riba cual ami tambe como Curazolenjo ta gana mi pida pan. Mi ta spera cu e dos diputadonan recien nombra Coco Erasmus y W. C. Anslin lo sabi di jena e vacio cu a keda atras.

Despues a hiba pala e dos diputadonan recien nombra, Jacobo Erasmus y W. C. Anslin, kendenan den algun fra-

FATUM — Tel.: 1845
pa tur bo aseguronan

senan a priminti di duna tur loke nan tin den nan encargo nobo, pa haci Aruba un comunidad mas mihor ainda.

„Mi ta Arubiano tambe“

Ta sr. Petronia mes tabata esun pa papia ultimo. El a gradici pa e cooperacion ricibi. Tabata un lastima si pe cu diputado O. S. Henriquez, cu kende ho-

pi biaba e tabatin discusionnan fuerte pero cu semper a termina den e mehor ambiente posibel, no por tabata presente e mainta aki. El a gradici tambe tur e hefenan di servicio presente.

„Mi a nace na Corsow, pues mi ta un Curazolenjo. Pero mi ta Arubiano tambe, pa motibo di e bon trato cu mi a hanja aki. Arubiano tambe pa motibo cu t'aki mi a pasa mi mihor anjanan. Mi ta Arubiano tambe pa motibo cu mi ta keda biba aki. E palabranan Arubiano y Curazolenjo ta graba profundo den mi

corazon cu mi no por haci un distincion entre nan.

El a desea e dos diputadonan nobo tur clase di exito y pa e Gezaghebber Interino y demas miembronan di B.C. forza. „Nos lo sigi topa cu otro. Loke cu mi a haci tabata solamente mi deber, y si esaki tabata bon haci, anto ta debi na e hecho cu mi por a conta cu boso tur su apoyo“, asina ex-diputado Ernesto Petronia a conclui su discurso. E reunion alegre aki a bin termina te ora cu tur e bebidanan y pasabocas a caba.

**PROGRAMA DI BOEKEN-
WEEK TA OBTENIBLE
GRATIS**

ORANJESTAD — E programa di boekenweek for di diasabra ta obtenible gratis na Aruba Boekhandel, Aruba Post, Openbare Leesaal y na e otro direccionnan na unda nan ta vende kaarchi pa e sucesonan di siman di buki.

**PENSABO BON PROME CU BO BAI
CUMpra PASOBRA BO FLORIN
TIN MAS BALOR NA**

SPRITZER + FUHRMANN

REGALONAN PA

**DIA DI
PROMER SANTA
COMUNION**

PULSERA DI PLATA CU CHARM	f 1.50
PULSERA DI PLATA CU FLOR DI ENAMEL DI DENMARK ..	2.80
RENCHI DI PLATA	0.80
CADENA DI PLATA	1.—
MEDALJON DI PLATA	1.50
CRUZ DI PLATA	2.20
CRUZ DI ORO	2.90
MEDALJON DI ORO	4.50
CADENA DI ORO	4.50
FENETA PA DASHI DI ORO	7.—
OLOSHI PA MUCHA HOMBER CU GARANTIA	14.50
OLOSHI PA MUCHA MUHER CU GARANTIA	14.50
PULSERA ENCHAPADO	4.—
RENCHI DI ORO ENCHAPADO	3.—
DASSPELD ENCHAPADO	1.20
MANCOR ENCHAPADO	4.50
FENETA DI DASHI ENCHAPADO	1.20
PULSERA CU BORSTPELD	1.—
VULPEN	2.—
BALL POINT PEN MERICANO	1.25
POTLOOD CU 4 COLOR	4.20
KOPI CU SCOTER DI PORCELANA INGLES	3.90
BEKER DI PORCELANA INGLES	2.90
TAYO DI PORCELANA INGLES	2.60
FORKI Y CUCHARA MARCA GERO ZILMET	2.60
CUCHO, FORKI Y CUCHARA MARCA GERO ZILVIUM	10.60
BEKER MARCA GERO ZILVIUM	4.80
CUCHARA PA RECUERDO DI PROMER SANTA COMUNION ..	1.10
ROSARIO ALPACA	2.—
KOPCHI PA ROSARIO	1.50
SAMBECHI PA MUCHA HOMBER MARCA SWISS ARMY ..	3.50

**E DIA DI PROMER SANTA COMUNION
TA BIRA INVOLVIDABLE CU
REGALONAN DI
SPRITZER & FUHRMANN**



Dictador di Sto. Domingo a muri den un tiroteo

CIUDAD TRUJILLO, 1 juni — E dictador di Santo Domingo Rafael Trujillo a muri den un tiroteo, segun un comunicado cu nan a publica awe na e capital Dominicana. Den e comunicado nan ta bisa ademas, cu e atacadornan a tira riba Trujillo for di un emboscada cu metrelladornan. Trujillo tabata bai cerca su mama Dia Mars anochi. E tabata bisti na uniform militar. Na cierto momento nan a cuminsa tira riba e auto di Trujillo for di tres auto cu tabata sconde na un cruzada. Mes ora nan a cuminsa tira tambe for di banda drechi di caminda riba e auto. „Mi ta herida“, Trujillo a bisa y el a saca su revolver. Den etiroteo cu a sigui, nan a tire mata, segun e comunicado. E comunicado ta continua: „E chofer di Trujillo quende tambe tabata tira cu un metrellador, a ser herida.“

E asaltadornan e ora ey a cuminsa trapa e cadaver di Trujillo y su cara a queda tur desfigura mientras su man robet casi a quita afo. Despues nan a carga cadaver y hibe den bahul di un di e autonan. Segun un comunicado cu a bini despues e atentado tabata bao di direccion di ex-general Diaz quende a ser asisti pa: e rumannan Antonio y Rafael de la Maza, Huascar Tejada Reina, Pedro Lirio Cedeño y Amado Garcia.

E lider di e grupo te poco tempu pasa tabata un gran simpatizador di e regimen di Trujillo.

Trujillo su mama ta hiba pega cu un rumann di Diaz. E atentado a ser planea ya ta tres luna caba. Polis y militar nan ta buscando e asesinonan di Trujillo. E president di e pais tin un ejercito di 100.000 homber y un marina fuerte huntu cu forza aerea pa mantene orden den e pais.

Ultimo tempunan tabatin algun malcontentu riba e regimen di Tru-

jillo. Iglesia catolica tabata un di esnan cu tabata duna mas tantu critica.

Trujillo su entierro lo tuma lugar diabiernes, esta awe mainta, y lo pone e restonan den un tumba den e misa. San Cristobal ta caminda Trujillo a nace y su desco tabata pa dere eynan.

Merca lo manda unidatnan naval Santo Domingo

Parce cu e posibilidad no ta keda exclui cu Merca lo manda unidatnan naval muy pronto na Republica Dominicana, asina ta ser anuncia for di fuente Mericano bon informa.

E medida aki lo ser tuma si bin socede cu ciudadanonan Mericano cu ta b'ba na Santo Domingo por corre eualkier peliger o cu nan ta hanja e impresion cu un isla vecina, den e caso aki Cuba, por trata na haci uso dje situacion cual a ser crea door di moro di generalismo Trujillo.



Riba e foto aki por mira e caha di morto, cu cual gruponan anti-Trujillista kier a demostra ayera mainta dilanti residencia di e consul Dominicano. Patrulla di polis di Oranjestad a cai aden y a bai cu e caha pa warda. Aki riba e caha abordo di e jeep di polis.

DOMINICANONAN NA ARUBA Y E MORTO DI TRUJILLO

ORANJESTAD — Ayera mainta un grupo di Dominicanonan riba e isla corriendo den autonon tocando me-renguenan Dominicano cu trompeta y tambora a muestra nan sentimento cu e morto di e Generalissimo Rafael Leonidas Trujillo Molina. E grupo aki tabata bisti cu camisa cora y tambe tabata carga un bandera cora chikito riba nan auto. Nan tabatin un caha di morto cu intencion pa tene un demonstracion chikito dilanti di residencia di e Consulado Dominicano na Socotero. Pero nan plan a fracasa, ora cu un patrulla di polis di Oranjestad a bai cu e caha di morto, masha cu un panja cora, pa warda. E grupo despues di esaki a plama for di otro.

For di diarazon anochi caba gruponan anti-Trujillista a cuminsa muestra nan sentimento cu e morto di e dictador.

Oferta di Billy Graham na un gangster

LONDEN. 31 mei. — E evangelista Billy Graham a duna e gangster Mickey Cohen di Merca 15.000 dollar pa e asisti na un di e reuniconan religioso y e tabata dispuesto pa duna e gangster 25.000 dollar si esqui quer converti su mes y bira cristian. Esaki e comico Red Skelton, cu a ser interroga como testigu den un caso contra Cohen, a declara cu el a tende di e acusado. Cohen ta ser persigui pasebra e no a paga belasting. Gobierno ta cobra 400.000 dollar.

Tambe actor Jerry Lewis a bisa Cohen a conte cu e tin contacto cu Graham. E evangelista, quende actualmente ta na Inglaterra a bisa cu e declaracionan di Skelton y Lewis no ta correcto.

Ta teme awor influencia comunista na Sto. Domingo

WASHINGTON, 1 juni — Senadornan y corantnan na Merca a expresa nan temor, cu awor despues di morto di Trujillo, e influencia comunista lo bira mas grandi den republica Dominicana. E coresponsal di Reuter a anuncia for di Ciudad Trujillo, cu henter e pais ta calmo. Un portavoz di ministerio Mericano di relaciones exteriores a bisa, cu e ministro Mericano di relaciones exteriores, Dean Rusk, lo keda na Washington, mientras e situacion na Sto Domingo no bini „mas na cla”. Rusk tabatin intencion di sali pa Paris Dia Razon anochi, p’e tuma parti Dia Huebes mainta na continuation dje negociacionnan entre Kennedy y De Gaulle.

Pe senadornan Mericano Mansfield, Fulbright en Humphrey, morto di Trujillo ta nifica „un fin violento y tragico di un gobierno violento y tragico”. „Por lamenta e crimen sin lamenta fin dje regimen”, asina senador Mansfield a bisa.

Senador democratico Smathers a propone, pa mariniernan Mericano ateriza inmediatamente riba Republica Dominicana, pa evita cu comunistanan lo tuma poder den e pais. Segun e senador democratico aki, tin trupanan comunista di Castro para cla pa dreña Republica Dominicana y pa probecha dje situacion actual.

New York Times ta scribi cu lo ta hypocrita pa demonstra cuakier sentimento en relacion cu morto di Trujillo. Aunke ta un medio de politica, cu mayoria parti ta causa hopi dificultad.

„No tin ningun motivo di menciona algo bon di general Trujillo, ni awor cu e ta morto. E tabata un tirano y un coleccionador corrupto di propiedadnan di su pais, na favor di su mes persona y di su familia, asina e corant ta scribi.

Nuebe dia di luto proclama na Sto. Domingo

E dictador di Republica Dominicana, generalissimo Rafael Trujillo a ser asesina diamars anochi.

Esaki a ser participa pa radio di Republica Dominicana.

E presidente a proclama un periodo di luto di nueve dia. E participacion tocante morto di Trujillo a ser transmiti ayera cuartu pa seis ora local door di radio Caribe. President Balaguer a haci un yamamentu na poblacion pa mantene orden y na ejercito pa keda atento y fuerte. Segun piloton di avionnan cu a yega Caracas for di Ciudad Trujillo tin estado di emergencia y en tur artilleria contra atakanan aerea ta atento. Segun e empresa Mericano di radio y television NBC e asesinato di Trujillo a ser ejecuta door di siete homber bao di direccion di general Thomas Diaz. E coresponsal di NBC na Ciudad Trujillo, a telegrafia cu Trujillo diamars anochi a cai den un trampa ora e tabata corre cu su auto di San Cristobal pa Ciudad Trujillo. Un di e atacantenan a ser mata y algun nan a cohe presu. General Thomas Diaz mes a hui den serunan unda e tin ejercito di mas di mil homber. Segun e coresponsal Diaz no a mata Trujillo pa motibonan politico sino pa motibonan personal. Na Washington nan a keda hopi ora sin confirmacion di e noticia di morto di Trujillo. Antes diferente bionta el a sconde su culpa pa su enemighnan kere cu e ta morto y asina nan cuminsa cu un accion e ta cohe tur presu. Ultimo simannan tabata corre noticiannan na Washington cu situacion no tabata masha tranquil. E portavoz di Casa Blanca, Pierre Salinger, a participa na Paris cu e minister di asuntunan exterior, Rusk en conexion cu e desarollo aki na por bai Paris mas awe.

Bringamentu entre Italiano i Dominicanonan na frontera.

Amateurnan na Caracas cu tin radio emisora a ricibi noticiannan for di Republica Dominicana segun cual na e frontera cu Haiti, trupanan Haitiano ta bringando cu trupanan di guardia nacional di Sto. Domingo.

For di ciudad Trujillo nan ta mandando unidannan fuerte na Santiago y Bonao.

Na New York cincuenta adversario di Trujillo a ataca consulado di Republica Dominicana y a destrui diferente articulo.

Trinta y un di e refugiadonan a ser aresta. Nan a declara cu Trujillo ta morto y cu nan Republica no tin gobierno mas.

Generalissimo Rafael Leonidas Trujillo, „Benefactor de la Patria”, treinta anja a keda na poder den su pais. Mientras cu otro dictadornan, menos stabiel den America latina mester a traha lugar pa regimennan democratico. Bao di su direccion e pais cu tabata pover a alcansa un cierto prosperidad, pero esaki a costa di derechonan civil y libertad nan di e pueblo. Rafael Trujillo di tres yiu den un famia pover di diestun yiu.

Reunion di Consejo di Seguridad pa discuti situacion na Angola

NEW YORK, 1 juni. — Consejo di seguridad lo reuni diamars awor pa discuti e situacion cual a ser crea door di ocupacion di Portugesnan na Angola. Diarazon un cantidad di paisnan Africano y Asiatico y tambe Jugoslavia y Cyprus a haci un peticion pa reunion aki.



GLAS NOBO DI PROPAGANDA

a caba di jega na

LUX STORE — ORANJESTAD

ACME STORE — SAN NICOLAS

Bin busca di bo na tempo pasobra e cantidad ta chiquito!!!

PA FIESTANAN DI SANTA COMUNION

REGALO y BEBIDA

pa satisfice tur hende

Pesey hasi bo compra pa e dianan di fiesta venidero na

ARUBA TRADING COMPANY

FOR SALE

1958 Buick convertible

Fls. 2500.— CASH

Telephone 2250 extension 131 or Miss Perry

TA BENDE

MOBILARIO COMPLETO

consistiendo di set di sala, comedor, cushina, diferente cushi pa pauja, radio, etc.

HOLFA - 5150 of FABER
Pastoor Hendrikstr. 3.

Sentencia pa e generalnan Frances rebelde

PARIS, 31 mei. — Riba e di tres dia di proceso contra e ex-generalnan Challe y Zeller fiscal, Antoine Besson den curso di su requisitor a trece dilanti cu ta imposible pa e exige pena di morto. Besson na final di su requisitor a bisa cu e kier pa e dos generalnan un castigo di bini anja di prison mecos cu condena perpetua el a exige e ultimo.

Hues a condena e dos ex-generalnan, kendenan tabata e dos lidernan mas principal di e revolucion na Argelia dia 22 di april ultimo, 15 anja di prison, na Portugues Angola.

Krushev ta na camina pa Viena

MOSCU, 31 mei. — Premier Krushchev di Union Sovietica awe diarazon a yega Checoslovakia. E ta na camina pa Viena pa su conferencia cu president Kennedy. Probablemente e lo papia na e capital di Checoslovakia, Bratislava, cu otro lidernan di Europa Oriental.

Pakiko camu di un tienda pa otro, si bo por hanjele na.....
KEES GROCERY N.V.
TEL. 1079-1918
J. G. Emanstraat 30

CEMPRO
Wayacka — Tel: 2444

Pa tur sorto di blokki usa
CEMENT DI PRIMERA CALIDAD

PETRONA & CROES

Dakota - tel. 1712-1639

PA TUR BLOKKI DI CEMENT
Y BETON

NOBO **NOBO** **NOBO**
Nassaustraat 34

Nos a caba di ricibi katoena nobo, drip dry y disenjo masha bunita pa faldas, Daaron den tur color. Tela hulandes pa cortina cu un anchura di 120 cm. y disenjo moderno. Tambe vitrage hulandes. Bon y harata. Patronehi Advance nobo.

Seis lider di federacion retira na Caracas

CARACAS, 31 mei. — Seis lider di e federacion di obreronan di Venezuela, cu ta miembro di e partidonan extremo izquierdo, temporalmente a ser retira di nan funcion. E seis lidernan di obrero ta miembro di e partido comunista y e movimiento revolucionario izquierdista. Nan ta ser acusa di e irregularidadnan cu ricien a tuma lugar na Caracas.

Diamars atardi sr. E. O. Petronia a haci hauramento na Corsow pa su puesto nobo di ministro. Riba e portret aki nos ta mira Sr. Petronia den prescencia di gobernador interino Sr. Chr. Winkel Gaze, vice-premier C. D. Kroon, minister I. C. Dehrot y hefe di Regeringsvoortlichtingsdienst Sr. H. L. Braam.



HBU



HBU

un vacantie sin preocupacion!

H.B.U. ta furnibo cu placa estranhero....
H.B.U. ta sigura bo mes y bo equipage....
H.B.U. ta warda tur bo papelnan y obhetonan di valor den caha di seguridad....



Haci Bon Uso

di

HOLLANDSCHE BANK-UNIE N.V.
ORANJESTAD - SAN NICOLAS

SUAVE Y AGRADABLE

CIGARIA ANTILLANA

AGENTE PA ARUBA: J. H. CROES, AURORA BAR,
TEL. 1041.

LAGO HOUR

English - Now At 6 PM - Every Sunday

OVER

RADIO KELKBOOM

BEGINNING JUNE 4

For a more convenient listening hour, the English program over Radio Kelkboom is being
CHANGED from 7 p.m. to 6 p.m.

PAPIAMENTO TIME REMAINS UNCHANGED.

VOZ DI ARUBA

Papiamento

Wednesdays at 6:30 p.m.

SPONSORED BY

Lago Oil & Transport Co., Ltd.

A. S. U. Olimpiada: Tennis (Venezuela) y Pingpong (Colombia) tambe a duna nan confirmacion

(Di ns redactor deportivo)

Segun nos a wordo informa directiva di Aruba Table Tennis Association a ricibi confirmacion for di Colombia cu e invitacion pa un delegacion di pingpong bin participa den e A.S.U. Olimpiada a ser acepta. Un total di 5 pingpongista lo bin representa Colombia den venidero A.S.U. Olimpiada cu ta mustrando di bira algo sensacional.

Tambe directiva di Aruba Lawn Tennis Bond a ricibi confirmacion for di Caracas cu lo bin un team di cuatro tenista di e conocido Altamira Tennis Club, for di uada e mihor tenistan di Venezuela ta sali. Na e team di Altamira ta pertenece e.o. e conocido Ivo Pimentel, campeon di pais ey, kende anja pasa cabu a bin competi na nos isla.

Tocante di baseball en conexion cu e situacion actual na Sto. Domingo a ser tuma contacto mas urgente pa hanja un contesta definitivo en relacion cu e invitacion na bin hunga na Aruba. Den caso cu Sto. Domingo no por, lo wordo pidi un team for di Venezuela.

Ruth M. Odor unica candidata te ainda

Te ainda unicamente un candidata a ser stipula pa e puesto di Reina di

STATUTONAN PA CLUB DI ISLA RIBA APROBA

ORANJESTAD — Curacao Courant di 26 di mei u.p. a publica e statutan aproba di e club di headenan di Isla Riba na Aruba. E club aki a wordo funda 15 di juli 1960, cu e intencion pa progreso e relacionnan di goodwill y bon harmonia entre e headenan di Isla Riba y otro gruponan di e poblacion. Un o'ro puto di nan programa ta e esfuerzo pa tene e organisacionnan politica na poder cu ta na favor di nan programa y cu no ta perhudica e pueblo y pa mehora e circunstancianan di bida di e headenan di Isla Riba y nan pueblo. Senior W. Carl Asslijn tabata prome presidente di e club aki.

Tambe a keda aproba e statutan di e club deportivo "Centro Real" na Aruba, cu a ser funda dia 1 di mei 1959.

BUBALI SPORT CLUB A ELIGI DIRECTIVA NOBO

BUBALI — Durante un reunion teni d'adomingo ultimo den Sport Centrum Noord un directiva nobo a keda eligi pa e club di futbol Bubali S.C. E personanan cu ta forma e directiva ta:

Asinto Franken, presidente. Augustinus Semerel, vice-presidente. Alejandro Tromp, secretario. Vicente Henriquez, 2o secr. Franciscus Oquandus, tesorero. Loriane Tromp, 2o tesorero. Maximiano Tromp, Benito Tromp y Porfilio Eckmeyer, comisionarionan.

Deporte: Esaki ta e simpatica seniorita Ruth Marina Odor, candidata di Amateur Baseball Bond Aruba. E fecha pa inscribi candidatas pa Reina di Deporte a wordo cambia te pa dia 12 di juni. Un Reina di Deporte ta algo cu tur luga mester tin, ya cu tin masha hopi ocasion cu un Reina ta duna e necesario gracia na e deporte. Tambe un Reina por haci masha bon trabao den duna Aruba un bon nomber den e ocasionnan cu delegacionnan stranhero bishita nos isla. Club y bondnan cu ainda no a manda candidata ta wordo suplica di haci esaki prome cu dia 12 di juni.

Pa e defile cu lo wordo teni riba e anochi di apertura, ya a inscribi un total di ocho club. Ta wordo spera mas ainda. Y cemo cu tambe e delegacionnan stranhero cu ta na nos isla e dia ey, cabu tambe lo participa den e defile, ta necesario pa mas hopi posibel club di Aruba tuma parti. E defile ta promete di bira interesante y bunita y clubnan cu ainda no a confirma nan participacion ta wordo suplica pa haci tal mas pronto posibel.

Lo tin manera custumbra premio pa e club mihor representa.

Por las muchas pruebas de atencion y amistad durante la celebracion de nuestras Bodas de Oro expresamos a todos nuestras expresivas gracias.

Leoncio y Rosalinda Croes

SUCESONAN DURANTE SIMAN DI BUKI

No cual sigur lo bo kier asisti!

DIAMARS 6 DI JUNI — CENTRO CULTURAL
DECLAMACION DI ALBERT VOGEL
ENTRADA FL. 2.—

DIASHUEBS 8 DI JUNI — BASI RUTI
CHARLA DI JAN DE HARTOG y des-pues BOEKENMARKT
ENTRADA FL. 2.—

DIASABRA 10 DI JUNI — CENTRO CULTURAL
ULTIMO ANOCHI sigui pa BAILE den STRAND HOTEL
ENTRADA FL. 3.50.

Kaarchi obtenible na: De Wit Stores, Openbare Leeszaal Oranjestad, A. J. J. van Velzen na Seroe Colorado, Srta. W. Schaap, Gen. Maj. De Bruynewijk 18.

Kaarchinan PASSE-PARTOUT FL. 5.—
Miembronan di A.N.V. ta hanja rebata.



AIR CONDITIONING?

See your authorized
CHRYSLER AIRTEMP Dealer

FREE
ESTIMATE!

ARUBA TRADING CO.

RESULTADONAN DI ARUBA CAMERA CLUB

ORANJESTAD — Durante di e reunion mensual di Aruba Camera Club dia 30 mei p.p. e resultado a ser anuncia y e lista di blanco-preto cu e biaha aki tabatin como tema "Grillige Vormen in de Natuur". E total di totonan cu a ser manda tabata 24. E resultadonan ta manera ta sigi: 1. A. A. M. Carpay, 2. C. Blankenstijn, 3. Mr. F. C. Fliet, 4. W. Th. J. Huisman, 5. L. C. M. Kerstens y 6. A. J. S. Olijck.

E proximo reunion ta dia 27 juni y e tema pa e biaha aki ta: Turismo.

Ademas riba e anochi aki Mrs. Tan Swie Tong lo demostra su pelucula di color di 8 mm tocante Aruba.

Majan ultimo dia pa manda fotonan

Majan ta ultimo dianan pa manda fotonan (por lo menos dos) representando un titulo di hukki skirbi na Hulandes o Vlamms, pa e concurso di portre na ocasion di e Siman di Buki 1961. Esaki mester socede prome cu majan 12or di merdia. E fotonan por wordo entrega na un di e siguiente personanan:

C. Blankenstijn, J. Fergusonstraat 74, Oranjestad o na oficina di DOW A. A. M. Carpay, Santa Cruz 33, o na Bestuurskantoor.

L. C. M. Kerstens, L. G. Smithboulevard 55, Oranjestad o na Bestuurskantoor.

Aruba tin su "HOT ROD CLUB" Sub-inspector di polis De Keyzer a elogia e iniciativa masha hopi

SANTA CRUZ — Den unu cu di Shon Pa na Macuarina 95 mas di cincuenta hoben cu ta conoc como e "pustadornan riba boulevard" a reuni diarazon anochi pa tene di e ideanan di e "Aruba Rodders Club", cu a wordo funda un luna pasa. Un di e tanto tareanan di e club aki ta pa organiza carredanan di auto den un forma legal, ya cu nan a experienta cu e pustamento sin permiso riba boulevard y otro camindanan no a duna nan ningun beneficio. Cuater

oradores: Francisco Croeze, secretario y Freddy (Shon Pa) Lopez, presidente di e club; Rudi Stam, miembro directiva di Aruba Sport R. Club y tambe sub-inspector di polis R. J. de Keyzer a duna nan ideanan na e chofernan hoben.

Riba e caminda legal

A actua como maestro di ceremonia e anochi aki sr. Hendrik Leo, vicepresidente di Aruba Rodders Club. Francisco Croeze, secretario di e club tabata e prome orador y esun cu a entarghe na luna un splicacion y e presentacion ta kiko ta e significacion di un "Rodder Club", ya segun orador, "90% di headenan na Aruba no sabi kiko e palabra aki ta nifica."

"Falta di organizacion"

"Manera boso tur sabi ya ta hasta tempo cabu cu na Aruba ta existi un entusiasmo pa carreda di auto, sin embargo tur tempo bai e grupo aki di muchanan cu ta stima e sport aki nunca tabatin e privilegio di practice legalmente."

Pasobra bon bisa nunca un organizacion a preocupa mucho cu esaki. Y kiko a socede? Hopi di nos na kibra ley pa cumpli cu e deseo di pista auto. Awor sin embargo a jega e momento cu ta imposibel pa nos sigi haci se-

Cumpleanjos

Ta cumpli un anja mas di feliz existencia Srta. Marijta Tromp. Felicitacion ta bini di su esposo Bito Tromp y su 4 hunan. Albino, Edwin, Nicolaas y Asinto Tromp, y especialmente di comer Mona y Comer Neza, tambe di compere Pedro i di Ica cu Marco.

Nos sincera felicitacion ta bay na Alfonso Beker pa motivo di su cumpleanjos. Felicitaciones ta bini di su tata, Felipe Beker, su mama Rufina, su rumanan Jacobo, Catharina, Rafaela, Mariay Martina. Tambe di su wela, su taata y omonan, primanan y primonan, y nu especialmente di su madrina Florentina Kroezdijk. Tambe e ta wordo gefeliciteerd door di Cosme Beker y Vicente Kroezdijk, di su amigo lo's Louriano y di toer familia Kroezdijk.

E hobencita Ethlyn Halley ta cumpli 2 anja di feliz existencia. E ta ricibi felicitacion di su tata Jules, mama Hilda Halley, wela Felicia, wela Carmen, tanta Frida, y su omo Doei, especialmente di su madrina Flora Croes y demas familia Halley, Evertsz y Croes.

Nos kier feliciteer e hobencito Albertico Tromp, cu motivo di haci su prome Santa Comunion dia 3 di juni. Felicitacion ta bini di su tata Juan, mama Besi y di su 6 rumanan. Especialmente e ta wordo felicita door di su madrina Anita Reed, y su padrino Apolunario Figarao.

Agenda

ARUBAANSE COURANT
diarazon cu excepcho di diadomingo

Edita pa:
M.V. ARUBAANSE DRUKKERIJ-EN
UITGEVERIJ-EN PUBLICITEITS BUREAU
Huismanstraat 88 Oranjestad, Aruba, N.A.

Subscripcion 73.— paga adelantado
Edicion suelta 30 ct.

Telefon:
1116 Directiva y anuncio
2116 Redaccion y subscripcion
Directeur-hoofredacteur: D. Wolf

Imprenta na M.V. Drukkerij "De Ster"
Edicion suelta obtenible na 20 cent na:
Union Store, San Nicolas • Boekhandel
Mariska, Oranjestad • y Cabana Shop,
Aruba Caribbean Hotel.

PLATE BRAND
MEAT BALLS
INDUSTRIA ARGENTINA
DISTRIBUTOR
WIMCO
Nassaustraat - Tel. 1399-1381

CINE
DE VEEER: 8.30or "Pillow Talk" 18 I.
RIALTO: 8.00or "The Benny Goodman Story" A.L.
PRINCIPAL: 8.00or "Edge of Hell" 18 I.
AURORA: 8.00or "The Caine Mutiny"
SAVANNA: 7.00or "Tropiques: E storia di Tenen Beron" A.L.

PARTERA
Zr. Th. E. Gibbs, Wilhelmijnstraat 22,
Oranjestad tel. 1253
Zr. M.E. van der Mark, Rondweg 4, Oranjestad, tel. 1537.

WIT GELE KRUIS
Oranjestad: Zr. Ewald
San Nicolas: Zr. Perpetua
Santa Cruz: Zr. Ludovic
Hospital San Pedro di Verona tel. 2200

BOTICA DI WARDA
Oranjestad: BOTICA DEL PUEBLO tel. 1253
San Nicolas: BOTICA SAN LUCAS tel. 5119

POSTSLUITING
Vrijdag
Curacao 9.00 & 16.00, Europa 9.00 & 15.30
Miami 9.00, New York 8.30 & 15.30,
Caracas 15.30, Suriname 15.30, Mexico 9.00.

RADIO VICTORIA
Diabierne 2 di juni
11.00 Apertura
11.15 El Mundo Femenino
11.30 Metodos de Merida
12.00 Ultimas Noticias
12.15 Musica Sagrada
12.30 World News
12.45 Organ Memores
1.00 Radio Concert Hall
2.00 The Reading Room
2.15 Sacred Songs
2.30 The Quiet Hour
2.45 Ensayos Musicales
3.15 Cafe con Musica
3.30 Luz y Verdad
4.00 Musica de Banda
4.15 Ecomon Celestial
4.30 Radio Kid's Bible Club
5.00 Joyas del Hogar
5.15 Palabras de Bida
5.30 Interludio Musical
6.00 Ultimas Noticias
6.15 Sucesos Deportivos
6.30 Noticias Holandesas
6.40 Musica Clasica
7.15 The Bandstand
7.30 Unshackled
8.00 World News
8.10 Off the Record
8.30 Back to the Bible
9.00 Musical Gems
9.30 Haven of Rest
10.00 World News
10.15 Hymns that Live
10.30 Sign Off

RADIO CARACAS
TELEVISION
Viernes 2 de junio
6.55 Patron de Radio Caracas Television
8.27 Informacion sobre los progr. del dia
9.00 Documentales
10.00 El Calendario de mama
10.30 Cusa de Mujeres
11.30 La Perfecta Ama de Casa
12.00 La C.V.R.T.V. Informa le Nacion
12.05 Su Telesnovela FAB
12.25 Show de Saurie
1.35 El Imparcial Television
2.00 Puntito y Aparte
2.30 Club Femenino
3.00 Estudio de Hector Monteverde
3.30 Telefantasia
4.30 Club de los Nietos
5.30 Cinevaquillas y Kukery
6.00 Show de Benny
7.15 La Novela Ammen
7.30 Cuatro Hombrs Justos
8.00 El Observador Croes
8.15 La novela Fab-Vorite
8.20 Documental
9.00 La novela Camay
9.15 Anamor Be dayan en T.V.
9.30 Teatro Helena Curtis
10.00 Documental
10.30 Cine-Programa
12.00 Informacion sobre los Programas de la semana
12.10 Marcha Oficial, Himno Nacional

tambe di e palabra rodder. — (red.) y spera riba e carreda organiza pa e pista su auto na un manera legal y sin ningun peliger.

"drag racing"
E carredanan aki, segun e orador, ta wordo jama "drag racing". El a splica cu esaki ta wordo teni riba un pista caminda recto di mas o menos 800 meter largo, di cual 400 meter ta wordo usa pa pista e antenan. Dos auto ta sali paren riba e pista y nan tin en diecidi ta cual ta jega prome na final di e 400 meter. Orador a sigi mencion cu esaki ta sistema cu ta wordo usa na Merca mas en 12 anja cabu y na unda tin 300.000 hot rod clubs ta cosechando gran popularidad aya. Esaki ta e mihor solucion cu polis por a hanja pa resolve e problema di pustamento riba eja y cual problema nan ta enfrentando aki na Aruba tambe actualmente. Den su discurso sr. Croeze a trata na kita e pensamiento for di polis y publico cu e drag-race ta algo peligroso. "Nan ta pensa esaki pasobra nan ta compare e carredanan maner Daytona Beach, Indianapolis y Bueneville races, na un

Sigui lesa pag. 4

Pa promer Santa Comunion

Cojar di plata	di 1.25 pa'riba
Cojar di oro	" 4.50 "
Cruz di plata	" 2.00 "
Cruz di oro	" 4.00 "
Medajon di plata	" 1.00 "
Medajon di oro	" 3.50 "
Rosario	" 1.25 "
Hofoshi di man	" 7.90 "
Renchi di oreo di plata	" 2.00 "
" " "double	" 3.50 "
Renchi di plata	" 1.00 "
Renchi di oro	" 5.00 "
Borstspeld	" 1.50 "
Manicornia	" 4.50 "
Set di euchar y forki	" 4.25 "
Klem pa dashi	" 3.40 "
Beker	den tur prijs
Pulsera cu nomber graba	den tur prijs
Cuchara special pa dia	di comunion 1.60



Join ARUBA WATER SPORTS coupon club

Lots of fun while you keep cool at summer tariff!!

WATERCYCLES..... Fls. 2.— (for 2)
SAILFISH SAILING..... Fls. 4.50 per hour
SKIING..... Fls. 4.00 extra person .75 (1/4hr.)

— (Inquire about a series of skiing with lessons) —
GLASS-BOTTOM-BOAT SIGHTSEEING..... 1 1/4 hr. to California
Light house, sea life, old sunken ship ruins, Catamarans boats with two motors.
Fls. 4.00 - CHILDREN Fls. 2.00.

Evening Cruises an moonlight nights
1 1/2 hr. sailing on the "Sea Queen" off shore. Finger sandwiches included.
Drinks may be ordered. Arrange a group of friends, not less than 8, not more than 15. Great Fun!! Fls. 5.50 ea.

Further information:
ARUBA WATER SPORTS, INC.
Office located on Palm Beach: Follow the first path from the boulevard; north of the Aruba Caribbean Hotel.
Phone 2527 or 2250 ext. 195

AMOR Y CAPRICHIO

Pa Tuyuchi

No. 110
"Mi a' por duna ho un idea di dje". Margaret a bisa. "Nicolina tin cosnan stranjito ta baci. Mi ta preocupa p'e". El a bira su mes. El a mira su wovonan scur p'eguntativa ta alza. Margaret a camina bai cerca dje y a bise:
"Nicolina no ta un mucha muhe mecos cu tur otro. E ta reaccionar masha strango. E ta reaccionar riba mero di Lloyd manera lo e por a reaccionar riba cualquier otro cos. Ta manera cu e ta paraliza na un of otro manera. Ainda e no a terrama ni un lagrima pa cu desaparicion di Lloyd y sin embargo mi tin conviccion cu e ta stima masha tanto. Lloyd tabata tur cos p'e. Mi ta quere cu Lloyd lo mester a drecha loque e tabata falta den su bida".
"Bo sa algu di su bida anterior?"
"Margaret a sagudi su cabeza y a ripiti:
"Mi sa masha poco di dje personalmente, sin embargo mi ta sospecha cu el a comete un fout un camina. E ta un mucha muhe strango".
"Si", Roger a responde. E ta un mucha muhe masha stranjito y masha dificil pa comprende y complace". El a bisa y a quita su cara ta fiba den bentaga. Den su wovonan tabatin un mirada sonribo, como si fuera e tabata pensa riba algu cu na e momento el a tabata masha cerca dje.
Margaret semper a sinti algu dir-

piente pa e hombre silencioso y serio y el a murmurar:
"Si ho ta desea, lo mi bai bise algo cu tin un hende aqui cu quier n'apia cune".
"Unda e ta?" el a puntre.
"E ta trahando den unu cu mi ta quere. Mi por manda un di mi nietunan pa bai jama un ratu".
"Si acaso ho no tin nada contra, mi mes lo quier a bai cerca dje. Senjora Fenton. Lo e no quier tabata cu mi si e tabata sa cu mi tabata aqui".
"Bueno, lord Mansone", el a responde. "Si ho quier bai cu mi, anto lo mi mustra bo e camina". El a abri e portanan anhu y a mustra e homber den e unu. "Bo ta sigui e camina na e otro lado dje tranke", el a bisa, e ta pasa door hardin di arbol. Y ni no ta quere cu lo ta dificil pa hanje, pasobra e n' ta leu foy cas".
Roger a gradie e y a pasa bai riba e pradera. E hechki a abri forza ora cu el a los e henzelanon.
E camina di cual Margaret tabata nana manera un anchi smal tur na jerbe shimmeron y sumpinje. Enter e

boomgaard tabata duna senjal di des-cuido, pero e cosecha tabata bon y e arbolnan tabata cologa te abao car-ga cu frutanan. El a larga su bistanan pasa riba e camponan rond di pia dje cerriti. El a sigui mas leu.
E anchi tabata slinger pasa meimei dje arbolnan. E homber tabata segu-cha na zonidanan riba e campo y na grito di un cacho na un camina tras di dje. Diripiente el a queda para quietu. Nicolina tabata bahando e cerriti, hiriendo den su direccion.

E tabata camina cahez abao y cu pasonan calmo y sin gracia. E tabata lustra mas tan o cu e tabata camina. E tabata queda quietu ta mire. Y e muhe su bistanan tabata cologa slap na su costia. Tabata como si fuera e no tabatin mas energia den dje. Y su skoudernan tabata manera cos cu ta skoudernan.
El a camina bini te na distancia di algun meter prome cu Nicolina a biza su cabez. E expresion di su cara no a cambia. Y sin gracia el a bisa:
"Oh, ta ho t'e".
Roger a queda ta libe, asombra y

convio pa e cambio cu a drenta den e mucha muhe.

El a bira mas bieu y e color bleck di su cara a acentua ainda mas tantu. pa motivo di su cabel cu tabata cologa haciendo su cara manera den un cuadro. Poco poco e homber a camina yega cerca dje. Su wovonan dol a queda ta mire cu un clerito enemistad.

"Pues", el a puntra Roger, "ta pa-queico b'a bini aqui? Si acaso ta pa mustrami na ho condolencia, auto e-vei no ta necesario. Ho ta compren-dre mi bon? Mi no tin mester di ho condolencia".
E no a bisa nada, su cara a queda fijo.

El a lant skerpi. "Paqueico ho no ta bisa cu nos tabata loco di regresa aqui? Paqueico ho n' ta haci esei? Si-gur mester ta berdad cu nos ta loco. Nos tabata dos mericano cu no tabatin suficiente pa atende nos mes asun-tonan. Ya ta p'esei nos a entremete nos den asunto di otrojan". Su stem a resona crucl. "Pero m'a fada calha. M'a harta di traha, m'a harta

di geta y mas tantu mi ta harta di Inglaterra. Mi ta bai cas; mi ta bai regresa, na Merca. Aya nan ta bha ainda na paz y ta cerra nan wovo preme en algun pasa aqui. Y ta loque mi tambe quier haci tambe. Mi tambe quier cerra mi wovonan y lubida cu homas tabatin algi manera geta ta existi y Inglaterra".

Su stem calmo a forma un contras-te skerpi cu su desahoga.
"Ho ta hui bai anto?" E homber a puntra y a queda ta mire fijo den su cara. Su wovonan tabata indiferente y sembro. Ta queico a pasa en e gran anto cu ho tabatin? E por a dispar-cep".
"M'a perde tin cos", el a responde dol.

"De la manera cu b'a ser venci".
Su rosea a hera di para. "No", el a bisa na boz apaga.
"Como no", Roger a bisa. "Y no venci door di un homber, pasobra e homber en mester vence bo ainda no a gace. Tabatin mester di un geta pa por a haci esei".
(E ta sigui)

CISCO KID

1. "Lo mi busca un salda... mientras tanto, wanta e bandidonan!" 2. "Laga nos haci un convenio, señores. Lo mi duna boso mita di e placa!" 3. "Ni convenio ni nada! Entrega nos tur e oro, si boso ta aprecia boso bida!"



JUAN EL INTREPIDO

1. "Hola! Nos no tabata conoce otro antes?" 2. "Si, si... ta parce mi den un lugar di weg na New Delhi... se mechi!" 3. "Mi no ta acos... jumbra di tin relacion cu hendenan cu mi conoce den weg..." 4. "Awe mi ta di mala suerte... mi mester canina cu cuidao... bo quier mi acompaña bo doctor?" 5. "Ta duel mi, hoben... mi ta gemasado bieuw sin atraccion..." 6. "Pa haci bo sarra tambe..." 7. "Mi ta mira cu e ta den bon humor... esta bon!" 8. "Y asina, cu 5 pasahero hunto pa casualidad... ta cumierzo un bihe stranjo y peligroso..."



DICK TRACY

1. "Mi no por kere cu nos ta safe - Mi - (snik) 2. "E culpablenan tur tin nan castigo, Fresh." 3. "Con auni Soso por a haci algo horrible asina cu nos?" 4. "Auni Soso ta den prison." 5. "Y e bestia cu e ta jama su chauffeur?" 6. "Aha! Tarter ta na unda cu e no por haci ningun hende nada mas." Tracy ta bisa."



RIP KIRBY

1. "Quico a pasa cu su fortuna, srta. Lamont?" 2. "Mal inversion y mala suerte." 3. "Speed Harvey por haci cu nan declara Elise Lamont como morio! Lo e no cobra un cent!" 4. "Lo mi tabata quier pa bo a bolhe y bisa cu bo no a topa cu ningun rastro di mi."



EL PRECIO DEL TRIUNFO

1. "Mi quier ta valiente. Lalo, pero mi go tabatin mucho experiencia riba e terreno ey!" 2. "Mi ta spera bo drumi bon awenochi, srta! Lo mi ta cerca bo manjan!" 3. "Despues, mayoria di e hendenan ta drumi na e balneario..." 4. "Un figura solitario ta camna den e sneeuw cu ta cay suavemente..." 5. "Y e ta para dilanti di e hospital..."



EL DIARIO DE UNA VIDA

1. "Bo no ta rabia pa e trampa cu mi a traha cu Tuto?" 2. "Un poco nada mas. Pa orgullo..." 3. "pero mi a pone orgullo un banda ora mi mira cu mi tabata bay comete un gran error!" 4. "Mi no tabata sa con mi mester laga Tuto..." 5. "ni con e mester laga mi. Pero esey ya a pasa..." 6. "na unda nos lo pasa nos luna de miel?" 7. "Na un clima calido." 8. "Mmm... nos caracter ta bay bon cu otro!"



PEPITA

1. "AYYY! 2. Paquico bo no tin mas cuidao, Lorenzo? Semper bo ta kibrj e trapi-nan!" 3. "Menos mal! E no a kibra!" 4. "No a pasa nunca den bo cabez cu ta mas facil pa hanja un trapi nobo cu un casa?"



HOT ROD CLUB....

Cont. di pag. 3

da tin cantidad di accidentenan ta sucede. Local nos kier ta algo henteramente diferente manera ya ni a caba di splica tocante e 400 meter".

Nada di malo

E orador kende ta pone audiencia biba cu su discurso ta trece padilanti cu na Aruba hopi ta pensa cu un Hot Rodder ta un criminal. nan ta huzga e palabra masha malo, mientras cu tin masha bon scendi tras di e dos palabranan aki y cu nan no sabi. Por ehemplo, un Rodder mester ta di yuda otro, tene trafico mas sigur, organiza concursanan di seguridad, y mucho mas. No ta pa pusta so mester tin un Hot Rod Club.

"Kiko ta socede awor na Aruba?", asina orador ta puntra su mes. "Tin masha hopi hobennan ta limita y kendenan ta stima velocidad, pero cu nan no por demostra esaki na un manera legal pa motibo cu no ta existi un organizacion." Orador a bisa cu ta esey ta e motibo cu e reunion a worde convoca. "Nos lo tin cu tene pasenshi pasobra no ta un cos cu por socede di anochi pa di dia, pero e tye, tur loke nos mester haci ta purba splica e majoria di hendenan cu no sa kiko ta e idea di Hot Rodding. Splicanan cu un Hot Rodder organiza no ta un criminal di auto of un delincuencia hubenil, sino alcontrario un Hot Rodder ta un di e choteman mas sigur cu por hanje riba caminda, pa motibo cu su auto semper ta den condicion, su brakenan semper ta funciona bon y tur loke ta mecanismo den su auto pasobra esaki al fin al cabo ta un di e jebenan di un hot rodder.

Ora nos bisa Hot Rodding nos no kier tampoco e calidad di auto cu falta un banda di warda lodo, sin bumper, ta corre haci desorden den casa, no, esey tambe ta un mal impresion di Hot Rodding. Un Hot Rodder hopi blaha bo no ta conoce te na momento cu e habri e hood di su auto, su motor ta modifica pa mas forza, su brakenan tambe ta cambia pa un sistema mas sigur.

Ta esaki ta loke nos kier. Forma algo serio. Mester bin mas gruponan di Hot Rodders pa asina nos por forma un bloque fuerte y kita tur e dolorman di cabez. Pero pa forma un grupo mester tin tambe un lugar pa topa y coopera cu otro."

E ultimo aviso di e orador prome cu el a bandona e escenario tabata: "Corre mas sigur posible y no haci uso di caminda grandi pa pusta auto, tene pasenshi te aki un poco dia mas ora nos por baha tur nos rabia riba un lugar mas adecuado y legal."

Sr. Leo luego a duna palabranan e presidente di Aruba Rodders Club, Shon Pa Lopez. E presidente a cuminsa cu bisa cu no ta ningun berguenza pa bisa e majoria di esnan cu a asisti na e reunion ta "expustadornan di e tan conocido boulevard, pero algo cu di awor en adelante ta perenece na lo pasado."

El a gradici tambe instancianan di polis y Aruba Sport Club, di kendenan e club ta hanjando hopi cooperacion, prome cu el a sigi cu e historia di fundacion di e prome Hot Rod Club na Aruba. "Cosnan no a bai asina facil manera mi ta papia aki. Nos a topa cu hopi obstaculo y problema, pero cu hopi lucha sin embargo nos a savi di venc nan. Nos a scoje tambe e mihor miembronan pa e club, esnan cu ta cumpli cu reglanan di club y cu ta stima Hot Rodding, y esnan cu ta interesa pa nos club por bira mas fuerte majan."

Despues di formacion di e club, dia 22 april di e anja aki, nos a cuminsa na colecta contribucionnan y un bleki pa tira placa aden a worde poni na e porta na entrada di e club. E blekie aki a hanja e number di "blekie di bon corazon" y tabata destina pa e miembronan tira nan contribucion aden."

Segun orador e blekie a produci suficiente cent cu cual tabata posibel traha un verzoekschrift y mande pa Gezaghhebber pa asina nan por hanja nan reconocimiento, algo cu ainda ta pendiente.

E presidente na final a apoya e presentenan pa lamta nan propio Hot Rod Club y no laga nada kibra nan moral den nan esfuerzonan.

A.S.C.C. ta coopera
Un otro orador e anochi aki tabata Rudy Stam, miembro directiva di Aruba Sports Club. El a conta com "Aruba Roders Club" a bini den

ANTON HUNINK....



... ook tops in ham in blik.

contacto cu A.S.C.C. pa jega na organiza un "drag-race", y com A.S.C.C. a acudi cerca polis pa splica e asunto. Resultado di e conversacionnan cu polis, segun e orador, tabata lo siguiente:

1. Polis lo duna tur cooperacion, segun e presidente di A.S.C.C. y lo duna permit pa organiza un drag-race.

2. Por haci uso di aeropuerto, esta si e no mester worde usa durante entrenamentonan di A.S.C.C. o pusta-mentonan. Un otro lugar ta imposibel pa haya, como cu e problema mas grandi pa polis ta ceramento di e lugar.

3. Intencion ta pa train tur diadomingo mainta riba aeropuerto, cuminzando cinco siman prome cu e pusta-mento. E dia o hora di pusta-mento por worde cambia cuakier momento, debi na e hecho cu avionnan cu ta baha y subi tin preferencia.

4. E drag-race lo worde efectua den diferente clasenan, ademas lo tin un stock-car race bati di 1500 cc, un sportcar race un go-kart race, esta si tin suficiente interes pa esaki. E drag-race ademas lo worde comparti den diferente clasenan, manera stock-cars, modified cars y motoreyle.

5. E dia riba cual e race lo worde tene, lo depende completamente di e cantidad di participantenan y naturalmente ora e vliegveld ta disponibel.

6. E dragrace lo worde core completamente segun e National Hot Rod Association Official Drag Rules.

7. Tur participante mester ta miembro di Aruba Sports Club, como cu e institucion aki ta carga responsabilidad y lo cubri e gastonan. E contribucion pa miembro ta \$ 10.—

8. Pa tur gruponan di Hot Rodders organiza, cu ta consisti di mas cu 8 miembro y cu tin propio directiva, consistiendo di un presidente, un vicepresidente, un secretario y un tesoroero y cu ademas ta tene nan na e reglamentonan di e National Hot Rod Association, ta existi e posibilidad pa haya un representante den directiva di A.S.C.C. y ayudo financiero pa e Hot Rod section.

Despues cu e reglamento di un grupo organiza y cu tin un number worde aproba, e grupo ey ta worde acepta den e Hot Rod section. E tin e ora ey, e mesun facilidadnan di A.S.C.C. y hasta ta sura e posibilidad cu directiva di A.S.C.C. lo bin consisti mas parti di Hot-Rodders.

Asina tur e Hot-Rodders ta bin cai bati di un organizacion, cual ta mas potente cu cada un di e gruponan organiza riba nan mes.

9. Si e dragrace venidero bira un exito, anto polis a garantiza cu dos biah pa anja un dragrace lo worde organiza, te ora e organizacion tin su drag-strip.

Sr. Stam a trece padilanti tambe cu mas informacionnan tocante reglanan na Hot Rod y reglanan pa dragraces lo worde poni disponibel den simannan venidero. El a conseha e presentenan tambe pa bira miembro di A.S.

C.C. Por ultimo sr. Stam ta informa e presentenan cu tur clase di auto por participa, den e drag-race, cu excepcion di un auto na cuota cu no ta paga completamente ainda. Esaki ta posible blo si e dealer duna su permiso. E orador na final di su palabranan a gradici pa e atencion y tambe autoridatnan policial, mr. C. W. J. J. Heufke y sr. C. Heemskerk, pa nan cooperacion duna te awor.

"Exitu pa bosonan"

E invitacion cu e maestro di ceremonia a haci na sub-inspector di polis y hefe di polis di trafico, sr. R. de Keyzer, pa e tambe dirigi algun palabranan, mesora a worde accepta pa e senior aki.

Na Papiamentu sr. De Keyzer, a dirigi su mes na e presentenan, den kendenan el a reconoce hopi caranan conoci. E ta contento cu e Rodders Club a ser forma, pasobra esaki ta forma menos trabao pa polis. "No ta un placer pa un polis, ora cu e tin di duna asistencia na un otro accidente, principalmente ora cu esaki tin consecuenecianan grave. Nos tambe kier coopera. Nos ta duna tur e cooperacion cu nos por. Pero mester actua segun condicionnan di trafico. Ora boso tin reconocimiento di gobierno central anto ta mas facil pa hanja e cooperacion." Sr. De Keyzer a bisa tambe di ta spera cu nunca polis no tin mester di usa e gatsometer contra di e Rodders, pero alcontrario di awor en adelante por ser bisa "awor si nan tin disciplina". "Mi ta spera cu bosonan tin tur exito". Un aplauso masha largo a sigi despues di e ultimo palabranan di e polis, kende tabata e ultimo orador di e anochi.

Prome directiva

E prome directiva di Aruba Rodders Club cu actualmente ta conta cu un diez miembro ta consisti di siguiente personanan:

Presidente: Freddy (Shon Pa) Lopez, vice-presidente Hendrik Leo, secretario Francisco Croeze y tesoroero Eduard Kaersenhout. Como consehe ro nan tin Rudy Stam.

Rusia ta bai lanza un navio espacial

MOSCU, 31 mei. — Muy probable e sabionan Sovietico dentro di algun dia lo lanza un navio espacial. Esaki lo mester socode pareu cu e entrevista di Chroestsiej y Kennedy cual lo tuma lugar na Viena. E noticia aki a ser publica oficialmente na Moscu awe. E mesun circulonan a declara mas aleu cu e tecnicianan di espacio y e sabionan mas principal actualmente no ta na Moscu y nan lo no regresa prome cu fin di siman.

Pa salida
sigur y
rapidamente

ACUMULADOR
WILLARD

Economiza mas gasolin cu kilometrahe adicinal. evita gasto innecesario di e motor. salí de una vez, cu seguridad, cu rapidez. Usa siempre e acumulador Willard di potencia maxima

JOSSY MOTORS
Wilhelminastraat 91
Aruba

